


Novi Superbrands status

Organizacija Superbrands zaključila je proces selekcije superbrandova u BiH za 2008. godinu i prema odluci njihovog ekspertnog vijeća, Podravkine tri tržišne marke Podravka, Čokolino i Vegeta stekli su Superbrands status i svrstale se među vodeće robne marke u BiH.



Veliko priznanje za Podravku, Čokolino i Vegetu

Kako je naglasio Canjar, u budućnosti će se potruditi ne samo da opravdaju ovo priznanje, nego da budu i još konkurentniji na tržištu. Osvajanjem ovog priznanja, Podravka, Čokolino i Vegeta stekli su Superbrands status i dobile pravo korištenja nagradnog znaka Superbrands B&H 2008. **B**

“Riječ je o velikom priznanju za Podravku, Čokolino i Vegetu, koji su na ovaj način, pored dosadašnje tržišne potvrde od strane potrošača, dobili i značajno priznanje od strane vodećih poslovnih, marketinških, medijskih, te akademskih stručnjaka. Izuzetno je značajno takmičiti se među 12.000 brendova koji se nalaze na tržištu BiH i dospjeti u sam vrh”, rekao je direktor Podravke BiH Josip Canjar.

Muška stvar iz Tuzle

Pivara Tuzla promovirala je moderniziranu proizvodnu liniju za punjene piva, koja je instalirana prošle godine i nedavno započela prodaju piva u savremenoj staklenoj boci od 0,5 litara. Lansirana je boca koju prati marketinška kampanja Muška stvar, nastanjajući se na aktuelno Evropsko prvenstvo u nogometu.

Cilj kompanije bio je uvođenje najmodernije opreme za proizvodnju piva i promociju proizvoda sa jasnim pristupom tržištu. Izvršni direktor za marketing i robni promet Ermin Cero izjavio je da poduhvat uvođenja nove ambalaže potvrđuje posvećenost Pivare Tuzla dobrobiti potrošača, kojima je na ovaj način omogućeno bolje uživanje u svom omiljenom pivu. Nova linija za punjenje predstavlja najsavremeniju tehnologiju punjenja piva u staklene boce, jednog od vodećih evropskih proizvođača linija za punjenje iz Njemačke - KHS. Ovakva tehnologija obezbjeđuje da pivo napunjeno u boce zadržava postojan kvalitet i svjež okus prilikom konzumiranja. **B**

Poticajna sredstva za Studen-Agrani

Predsjedavajući Vijeća ministara BiH Nikola Špirić i direktor Agencije za unapređenje stranih investicija u BiH (FIPA) Haris Bašić uručili su ček u vrijednosti 260.000 KM za Studen-Agrani d.o.o.



Svečano otvorenje jedine rafinerije šećera u BiH

Rafinerija šećera Brčko iz Fonda za podršku stranim investitorima u BiH. Dodjela čeka održana je u okviru ceremonije svečanog otvorenja jedine rafinerije šećera u BiH.

FIPA je ovom projektu dodijelila nagradu Najznačajnija greenfield investicija 2007. godine. U brčansku šećeranu investirano je više od 80 miliona KM, a posao će dobiti 160 novih radnika. Formiranjem FIPA, te dodjelom prvih sredstava, BiH se pridružila zemljama u regionu koji u svrhu priliva stranih investicija, također, dodjeljuju sredstva poticaja stranim investitorima. Sredstva Fonda za 2008. godinu iznose dva miliona KM, a osigurana su iz budžeta institucija BiH. Sredstvima Fonda upravlja Odbor Fonda, koji imenuje Vijeće ministara BiH. Fond je osnovan kako bi se novim i postojećim investitorima dala puna podrška od Vijeća ministara BiH za ulaganja u projekte koji otvaraju nova radna mjesta, uvode nove ekološki prihvatljive tehnologije, podstiču razvoj nerazvijenih područja i povećanjem izvoza smanjuju trgovinski deficit. Svečanom otvorenju rafinerije prisustvovao je i predsjednik Uprave Agrana Grupe Johann Marihart, koji je kazao da je region zapadnog Balkana uvijek bila bitna izvozna destinacija za Agranu.

“Zbog reforme tržišta šećera u EU, odluke Svjetske trgovinske organizacije o prekidu izvoza šećera i činjenice da BiH, kao i neke druge države iz regije, u potpunosti ovisi o uvozu šećera, odlučili smo proširiti naše proizvodne aktivnosti u BiH”, kazao je Marihart.

Predsjednik Uprave Studen Holdinga Ilija Studen izrazio je zadovoljstvo otvaranjem rafinerije šećera, čija je izgradnja trajala nešto manje od dvije godine. “Zadovoljstvo je veće i zbog činjenice da je BiH odabrana kao najbolja lokacija za izgradnju rafinerije šećera i da već uveliko doprinosi strateškom razvoju prehrambene industrije i ekonomije BiH. Nedavnim potpisivanjem sporazuma ojačali smo našu saradnju koja će, svakako, pomoći povećanju našeg udjela na tržištu regiona zapadnog Balkana u periodu do 2010. godine”, kazao je Studen, dodajući da će po kapacitetu rafinerija šećera biti lider na prostoru jugoistočne Evrope i promicat će ekonomski BiH na putu ka EU. **B**